

SEGURO AGRARIO COMBINADO (Plan 2022)

Produto: Bovino de produción e reprodución – Liña 401

Documento de información sobre o produto de seguro



Entidade aseguradora: Agrupación Española de Entidades Aseguradoras dos Seguros Agrarios Combinados, S.A.

Entidade subscriptora:

Registrada en:

Núm. de autorización:

Este seguro contrátase a través da entidade subscriptora en réxime de coaseguro con todas as aseguradoras que integran a AGRUPACIÓN ESPAÑOLA DE ENTIDADES ASEGURADORAS DOS SEGUROS AGRARIOS COMBINADOS, S.A. (Agroseguro) como xestora do sistema. Este documento é un resumo das principais coberturas e exclusións que, en xeral, ofrece o produto e non constitúe unha proposta axustada ás necesidades do cliente. A información precontractual e contractual completa facilítase noutros documentos (condicións xerais, condicións especiais e normas de peritaxe), dispoñibles tamén no apartado «Produtos» da web www.agroseguro.es.

En que consiste este tipo de seguro?

No pagamento dunha indemnización, dentro das condicións e límites establecidos no contrato e na normativa de aplicación, polos danos obxecto de cobertura sufridos polos animais de produción e reprodución da especie bovina.



Que se asegura?

Os danos sufridos polos animais e ocasionados polos riscos especificados a continuación, en función das garantías contratadas:

Garantía básica:

- ✓ Sacrificio obrigatorio de animais por saneamento cando se reúnan as condicións para a súa subscrición.
- ✓ Febre aftosa e EEB (encefalopatía esponxiforme bovina).
- ✓ Adversidades climáticas, incendio e derrubamento de instalacións; ataque de animais.
- ✓ Mortalidade masiva.

Garantías adicionais (contratación opcional):

- Accidentes individuais.
- Parto.
- Morte de crías.
- Mamite ou brote de mamite.
- Determinadas enfermidades.
- Síndrome respiratoria.
- Meteorismo agudo.
- Carbúnculo.
- Morte súbita.
- Diminución da prolificidade.
- Perda de calidade do leite.
- Mortalidade por diversas causas.
- Ampliación da cobertura de saneamento.
- Privación de acceso a pastos por saneamento
- Retirada e destrución de cadáveres.

Suma asegurada: Calcúlase con base no número de animais declarados polo asegurado na póliza e ao prezo fixado polo asegurado dentro dos límites establecidos polo Ministerio de Agricultura, Pesca e Alimentación.



Que non está asegurado?

- ✗ Sacrificios a consecuencia de probas previas ao comezo de coberturas do seguro.
- ✗ Os danos sufridos polos animais que non estean en adecuado estado zootécnico e sanitario.
- ✗ Intoxicacións non atendidas por un veterinario.
- ✗ Mortes por carbúnculo de animais non vacinados.
- ✗ Parasitose e morte de animais non convenientemente desparasitados.
- ✗ Enfermidades incluídas no código zoosanitario internacional da OIE, excepto carbúnculo, síndrome respiratoria bovina (SRB) e febre aftosa.
- ✗ Aqueloutras exclusións expresamente previstas nas condicións do seguro.



Existen restricións no que respecta á cobertura?

- ! **Cobertura:** Algunhas garantías como a privación de acceso a pastos, a febre aftosa ou a cobertura por tempo de restitución dos animais ou a perda de calidade de leite teñen limitados os prazos e períodos de cobertura.
- ! **Mínimo indemnizable:** Para determinados riscos, aplicarase un mínimo de animais afectados e/ou mortos por baixo do cal os danos non estarán cubertos. Para as inmobilizacións existe un número mínimo de días de inmobilización por baixo do cal os danos non estarán cubertos
- ! **Franquías:** Aplicaranse franquías de entre o 10 % e o 50 % dos danos.
- ! Existen outras restricións. Consulte as condicións do seguro.



Onde estou cuberto?

- ✓ En todo o territorio nacional, excepto para a garantía adicional de retirada e destrución que non está cuberta no País Vasco; nas Illas Baleares esta garantía adicional só existe en Mallorca e Menorca.



Cales son as miñas obrigas?

- Incluir na declaración de seguro todos os animais asegurables de todas as explotacións.
- Achegar a documentación que se solicite en relación cos bens asegurados
- Ter as explotacións rexistradas no Rexistro Xeral de Explotacións Gandeiras (REGA) e especificar o seu código na declaración de seguro.
- Cumprir coa normativa de identificación individual de animais vixente e manter os libros de rexistro actualizados.
- Para a garantía de saneamento, deberase declarar a cualificación sanitaria en vigor no momento da contratación.
- Pagar a prima no tempo e na forma establecidos.
- Cumprir as condicións técnicas mínimas de explotación e manexo, establecidas polo Ministerio de Agricultura, Pesca e Alimentación, e velar en todo caso polo bo estado do obxecto asegurado.
- Comunicar o sinistro no prazo establecido, para o que se efectuarán tantas comunicacións como sinistros ocorran.
- Permitirilles a Agroseguro e aos técnicos por ela designados a inspección dos bens asegurados, e facilitar a entrada nas instalacións das explotacións aseguradas e o acceso á documentación que estea no seu poder en relación con elas.
- Aqueloutras obrigacións previstas expresamente nas condicións do seguro.



Cando e como teño que efectuar os pagamentos?

Modalidade non renovable:

O pagamento da prima debe facerse ao subscribir a declaración de seguro e poderá realizarse:

- En man (dunha soa vez).
- De forma fraccionada, para o que será necesario o correspondente aval afianzado de SAECA.

Modalidade renovable:

O pagamento da prima debe facerse ao subscribir a declaración de seguro.

- **Pagamento primeira anualidade:** Realízase segundo os termos descritos para a modalidade non renovable.
- **Pagamento anualidades sucesivas:** O pagamento da prima farase cando venza a póliza anterior mediante domiciliación bancaria, segundo o establecido para a modalidade non renovable.



Cando comeza e finaliza a cobertura?

- **Inicio:** A cobertura comeza unha vez que entrou en vigor o seguro e sempre que transcorrese o período de carencia (se fose de aplicación).
- **Fin:** A cobertura finaliza aos 12 meses desde a entrada en vigor do seguro.
- Para coñecer os detalles de aplicación, consulte as condicións do seguro.



Como podo rescindir o contrato?

- **Modalidade non renovable:** Ao ser un contrato de duración anual, non será posible a súa rescisión.
- **Modalidade renovable:** Poderase rescindir o contrato para as anualidades seguintes. Deberase comunicar, con polo menos un mes de antelación á data de finalización do contrato, remitindo un escrito asinado a Agroseguro.